

BANNIELOU BREIZ

94

War don : Kan-Bale tud Breiz.

f. animato.

16




Ban-niel hor mamm, ban-niel her-mi-ni-get, E-nor d'it a-rouez



vin-ni-get! Tri-dal a ra hor c'ha-lo-nou en-nomp,



Gand ar bli-ja-dur, pa we-lomp Ban-nie-lou all,



hag holl eus a Vreiz, M'e-mout o ske-di dis-par en o c'hreiz.

I

Banniel hor mamm, banniel herminiget,
Enor d'it, arouez vinniget!
Tridal a ra hor c'halonou ennomp,
Gand ar blijadur, pe welomp
Bannielou all, hag holl eus a Vreiz,
M'emout o skedi dispar en o c'hreiz.

II

Te a zo gwenn, evel a lili glan
Re all, melen evel bleun lann.
War ar re ma e weler eul liou glas
Henvel ouz hini ar mor bras;
War ar re ze, ruz tan, ni a wel
Gwad ar vugale kouezet er brezel.

III

Ha te, Breizad, va breur muia karet;
En o skeudennou alaouret,
Klevet a rez o kana mouez an nenv,
Eur vouez peb eil dro flour ha krenv;
Klevet a rez, a dreuz d'an avel,
Spered meur ar vro, spered divarvel.

IV

Evel eun eal mirer, o tiwal Breiz,
Derc'hel a ra, ganti; he feiz,
He c'harantez, he frankiz, he mennoz;
He douar, kavel hon tadou koz;
Hol levenez hag hon holl vadoù,
Ar banniel o c'huz dindan e blegou.

A. DE CARNE, Barz an Arvod